

Nr. 1 2023/24

Part generala

Cussegliaziun specialisada per direcziuns da scola

Sin giavisch da biaras menadras e menaders da scola organisescha igl inspectorat da scola dil Grischun ils 7 da fevrer 2024 a Tusaun (d, r, it), respectivamein ils 21 da fevrer 2024 a Landquart (d, r) duas ulteriuras cussegliaziuns specialisadas per direcziuns da scola.

Igl inspectorat da scola presenta duas ulteriuras dimensiuns dad INSULA allas direcziuns da scola. Igli instrumentari per evaluar l'instrucziun ei orientaus al plan d'instrucziun 21 ed ei vegnius sviluppaus dall'universitat da Turitg per incumbensa dalla ARGEV (cumionza da laver evaluaziun externa dallas scolas). Igli inspectorat da scola applichescha igli instrumentari ell'evaluaziun 2021-26. Las direcziuns da scola vegnan informadas ad uras per mail davart l'occurrenza.

Examens da recuors 2023

Tut en tut han 16 scolaras e scolars (ca. 1% da tuts dalla 6. classa) fatg la fin digl onn da scola 2022/23 igl examen da recuors cantunal. In scolar ha absolviu igl examen cun success. Igli inspectorat da scola engrazia a tut las personas d'instrucziun ch'ein stadas involvadas ella procedura d'admission. Grazia a lur pratica cumplessiva d'assegnaziun e grazia alla communicaziun cun ils geniturs vegnan annunziai dapi onns constantamein mo fatg paucs affons per il giudicament da protesta.

Gruppa accumpignonta talian primara

La gruppa accumpignonta talian per il scalem primar ha repassau a caschun dalla davosa sesida ils stans intermediars per ils mieds d'instrucziun "Grandi amici" ed

"Amici d'Italia". Las adattaziuns ein nudadas cun colur cotschna.

Stan intermediar talian primara



Di europeic dils lungatgs

Igl atun ha mintgamei liug il di europeic dils lungatgs. Il di porscha ina buna caschun da s'occupar ellas classas da scola cun il tema "lungatgs e culturas". Il di europeic dils lungatgs ei vegnius iniziaus dil cussegli dall'Europa il 2001, igli onn dils lungatgs. Quei di ei fetg populars ellas scolas ed ellas instituziuns da formaziun da biaras tiaras. El ha la finamira dad accentuar la diversitat linguistica e da promover igli emprender lungatgs per veta duronta. Per il di dils lungatgs che ha liug ils 26 da settember 2023 ei vegniu sviluppau bia material niev d'instrucziun. Ei vala la peina da consultar la pagina-web.

(Displascheivlamein vegn il lungatg romontsch buc risguardaus sin la pagina d'internet principala).

Broschura ed ideas per l'instrucziun



Di europeic dils lungatgs



Swissdidac & Worlddidac Bern

La Swissdidac Berna sco fiera directiva el sectur da formaziun ei al puls da la formaziun e vala sco liug d'inscunter il pli impurtont per personas dil fatg. Dils 21 tochen ils 23 da november 2023 ha liug il medem temps sigl areal BERNEXPO il Worlddidac sco part integrala dalla Swissdidac Berna. La Swissdidac & Worlddidac Berna colligia la cuntrada da formaziun svizra e tracta ils temas da formaziun ch'ein actualmein relevantes ed impurtontes en Svizra. L'occurrenza ei ina mischeida denter purschidas

attractivas da formaziun supplementara ed ina messa per las persunas d'instrucziun e pertaders da decisiuns.

Ulteriuras informaziuns



Sustegn per l'elecziun da clamada

La federaziun svizra d'artisanadi e mistregn SGV elaborescha dapi onns – ensemes cun experts dalla pratica professiunala e cun scolas professiunalas specialisadas – profils digitals per numerosas professiuns. Il tool informescha ils giuvenils co las competenzas intermediadas en scola san vegnir applicadas en lur professiun e sostegn els d'eleger ina professiun ch'ei adattada per els. Ultra dallas pretensiuns els roms da scola matematica, scienzas naturalas e lungatgs jasters cuntegnan ils profils era descripziuns dil mintgadi professiunal. La pagina d'internet trilingua vegn actualisada e sviluppada cuntinuadamein. Da niev ein vegni complettai ils profils cun la descripziun dallas pretensiuns corporalas, sco p.ex. las habilitads motoricas sco er las pretensiuns personalas.

Explorar mistregns, cumpareglier pretensiuns



Concepir in magazin da scola digital

Nau.ch porscha ina plattaforma digitala a gassetas da scolars. En collaboraziun cun la scola Valragn a Spligia ei quei project da pilot vegnius lantschaus. Cun luvrar vid il magazin da scola digital san scolaras e scolars realisar patratgs, opiniuns, experientschas e savida da maniera interdisciplinara en in project da web che cumpeglia l'entira Svizra.

Realisaziun d'in magazin da scola



50 onns ilz (1973 - 2023)

La centrala intercantunala per mieds d'instrucziun ilz ei il center da competenza per mieds d'instrucziun dils cantuns dalla Svizra tudestga. Ella sostegn quels per garantir ina purschida da mieds d'instrucziun d'alta qualitat e metta a disposiziun surveitschs per coordinar ils mieds d'instrucziun. Cun la publicaziun da giubileum vegn la coordinaziun da mieds d'instrucziun en Svizra tudestga ed en il Principadi da Liechtenstein dils davos 50 onns celebrada, documentada e valetada. Cun intervestas dattan persunas impurtontas dalla ilz investa els onns da fundaziun, ella historia ed ellas incumbensas actualas e futuras.

Publicaziun da giubileum ilz



Di da futur internaziunal

Emprender d'enconuscher professiuns nua che l'atgna schlatteina ei sutrepresentada: quei ei l'idea dil di dil futur. Ils 9 da novembre 2023 eis ei aschi lunsch! Ultra dil program da basa, cun il qual las scolaras ed ils scolars dalla 5. tochen 7. classa han accumpignau ina persuna da referiment a lur plazza da lavur, porschan numeros menaschis ed organisaziuns aschinumnai projects specials. Las mattas emprendan per exemplu dad enconuscher il mund dalla tecnica ni ils mats passentan in di el sectur da tgira ni d'assistenza. A partir dils 29 d'uost san las scolaras ed ils scolars s'annunziar per in project special. In'annunzia ad uras vala la peina, perquei ch'ils platz ein limitai! Il di digl

avegnir sa era dar investa ell'instrucziun regulara e possibiliter ina midada dalla perspectiva.

Links per materialias d' instrucziun e propostas per concepir il di dil futur en scola anfleis Vus silla pagina d' internet dil post da stab per l'egalitatad dallas schanzas da dunna ed um.

Annunzia per purschidas specialas



Informaziuns ed ideas per il di dil futur



Salids amievels

Chantal Marti-Müller

Andrea Caviezel

Menadra USS

Menader inspecturat da scola

Part regiunala

Termins

Occurrenza per cussegls da scola digl atun 2023

L'occurrenza ha liug ell'aula dalla casa da scola a Glion:
22-11-2023 allas 19.30 uras

Nus tarmettein ad uras in invit cun la pusseivladad da s'annunziar a tuttas persunas dils cussegli da scola.

Giudicament d'admissiun 2024

Decisiun d'admissiun provisoria: 26-01-2024

Decisiun d'admissiun definitiva: 15-04-2024

Examen da recuors cantunal: 28/29-05-2024

Niev onn da scola

Nus giavischein a Vus in bien onn da scola 2023/24 cun bia bunas experienzas ensemes cun vossas scolaras e vos scolars. Nus stein bugen a disposiziun en cass da damondas ni per cussegliazion/sustegn.

Inspectorat da scola Surselva

Alexi Nay, Vigeli Jacomet

